



Mas-chalch

Fögl d'infuormaziun official dal cumün da Scuol

Suprastanza cumünala

Scuol: Alp Tamangur Dadora, renovaziun

L'Alp Tamangur Dadora es in ün stadi desolat. La corporaziun d'Alp Praditschöl tilla less renovar e mantgnair sco oget cultural pellas prosmas generaziuns. Il stabilimaint dess gnir ütlià sco suost per la corporaziun d'Alp, per scolaziuns e lavurs in gruppas (cultivaziun dal pasch in collavuraziun culla Fundaziun Pro Terra Engiadina e'l reservat da Biosfera), per viandants e skiunzs da turas.

La corporaziun dumonda al cumün per ün sustegn in fuorma da material (laina, chaltschina, sablun, crappa etc.) per ün import da ca. 90 000 francs. Ella vuol dumandar ün sustegn finanziel eir a la Fundaziun svizra per la protecciun e la chüra da cuntrada. Perquai esa important cha'l proget vegna sustgnü eir da la regiun e dal cumün.

La suprastanza es da l'avis cha quist proget saja degn da gnir sustgnü e decida da sustgnair la renovaziun da l'Alp Tamangur Dadora in mettend a disposiziun material per ün import maximal da 30 000 francs. Ils stabilimaints renovats ston esser accessibels publicamaing.

In general esa però dad esser precaut cun renovar stabilimaints d'Alp chi nu vegnan plü dovrats per l'agricultura. I sarà indispensabel da far üna discussiun fundamentala davart quist tema.

AutoDaPosta Svizra SA Restituziun d'indemnisaziuns massa otas, cunvegna cul Chantun

L'AutoDaPosta Svizra SA es pronta da restituir als cumüns tuot ils transferi-

maints da cuosts e rechavs dals ons 2007 fin 2018. I's tratta da transferimaints illas spartas dal trafic da persunas regional e local.

Las restituziuns sun gnüdas calculadas in basa a la cunvegna dals 21 settember 2018 tanter la Confederaziun e la Conferenza dals directurs chantunals dal trafic public (CTP). Tenor quista cunvegna survain il cumün da Scuol dimena ün import da 271 925 francs. Implü paja AutoDaPosta üna restituziun voluntaria da 38 137 francs, quai per indemniziuns massa otas dals ons 2004 fin 2006 chi sun legalmaing scadüdas.

Ultra da quai survegnan ils cumüns da Scuol e Zernez 72 105 francs pel consorzi da scoula «A fin Z». Quist import vain scumparti tanter ils duos cumüns tenor üna clav chi vain amo definida.

La suprastanza es cuntainta chi's ha pudü chattar üna soluziun in bunas ed approvescha la cunvegna cul Chantun.

Il cumün pudess impuonder quists raps per asfaltar la via da Flüs a Sent. Il bus douvra quista via per transportar ils skiunzs da la pista dal sömni fin giò'n Plaz. Ella es adüna plain fouras. L'uffizi tecnic sclerischa sch'üna sanaziun fetscha propcha dabsögn. Scha quai es il cas vain'la previsa pel preventiv 2020.

Cumischiuns stablas pella perioda d'uffizi 2019–2022

La suprastanza ha reelet resp. elet nou las commembras e'ls commembers da las cumischiuns stablas:

Cumischiun agricola

Fadri Blanke (suprastant), Jöri Felix,

Claudio Franziscus, Steivan Meyer, Anton à Porta, Reto Viletta, Joannes Peer

Cumischiun d'energia

Aita Zanetti (suprastanta), Arno Kirchen, Walter Bernegger, Adrian Taisch

Cumischiun da fabrica

Reto Barbüda (suprastant), Michi Beer, Peter Langenegger, Flurin Roner, Marcus Wetzel

Cumischiun da pumpiers

Daniel Stecher (suprastant), Hans Andersag, Arno Kirchen

Cumischiun da lavinas

Antonin Hugentobler (president), Christian Poo (fin in marz 2019), Gisep Rainolter, Jachen Stuppan, Chasper Alexander Felix (cusgliader)

Cumischiun

«implants da Sport e da temp liber» Christian Fanzun (capo), Andrea Matossi (suprastant), Niculin Meyer (turissem ed economia), Gerhard Hauser, Salome Meuwly, Christian Rainer, Claudia Zaugg

Surdattas da lavur

Il cumün ha surdat lavurs d'indschegner pels seguaints progets:

Chanalisaziun Aual, Ardez (condot aua meteorica)
Caprez Ingenieure AG, Scuol

Chanalisaziun Curtinaglias, Sent (sanaziun)
Caprez Ingenieure AG, Scuol

Condot aua meteorica Vichava, Ftan (sanaziun)
Caprez Ingenieure AG, Scuol

Uina Punt Lunga (stüdi da variantas)
Canclini + Partner S.c.r.l., Scuol

Proget forestal Via Vallatscha (masüras per sgüar la scarpada)
Canclini + Partner S.c.r.l., Scuol

Inscunters cul capo cumünal

Eir quist on invida il capo a la populaziun ad ün inscunter. Dürant quellas sairadas vain orientà davart temas actuals dal cumün fusiunà. Eir il manader da las gestiuns tecnicas e'l collavuratur per la promozion d'economia sun preschaints.

Il capo sta eir gugent a disposiziun per tour incunter e respunder a dumondas chi'd occupan a las abitantas e'ls abitants. L'inscunter ha lö in mincha fracziun, el cumainza adüna a las 20:00.

Taras, Chasa Uorgia
mardi ils 19 favrer

Ftan, chasa cumünala
gövgia ils 21 favrer

Scuol, local da cultura BES
lündeschdi ils 25 favrer

Sent, Chasa Misoch
mardi ils 26 favrer

Guarda, chasa da scoula
mardi ils 5 marz

Ardez, chasa cumünala
gövgia ils 7 marz

Chanzlia cumünala

Prouvas da cumprar bavron- das alcoholicas: ils resultats

In december 2018 e schner 2019 han gnü lö a Scuol uschedittas cumpras da prova: giuvenils suot 16 ons accompagnats d'üna persuna scolada han provà da cumprar respectivamaing da postar bavrondas alcoholicas in butias e restorants.

58 % da las gestiuns controlladas han dumandà la carta d'identità e nun han vendü ingün alcohol als giuvenils. Quai es allegraivel. 42 % han vendü alcohol.

Il cumün ha infuormà tuot ils posts da vendita pertocs davart ils resultats. El evaluescha uossa – in collavuraziun cul uffizi da sandà dal Grischun – pussibilitats da sustgnair il personal da vendita cul böt cha la protecciun da la giuventüna vegna realisada in avegnir amo plü bain. L'uffizi da sandà spordscha cussagliaziuns e scolaziuns gratuitas per quist intent.

Arrandschamaints

Chalandamarz 2019

Üna survista as chatta sülla pagina d'internet www.scuol.net (Arrandschamaints), ils programs detagliats per tuot las fracziuns sülla pagina da la scoula www.scoula-scuol.ch (a partir dals 20 favrer).

Sent:

Concert culla gruppa *Neoländler*

Venderdi ils 15 favrer, 20:15
Grotta da cultura, Centrala
Insolit e listess cuntschaint: Susanne Jaberg, Thomas Keller, Lorenz Nejedly ed Iris Keller sunan cun üna gronda varietà d'instrumentis – per part rars – oriunds da la musica populara veglia e nouva.
Entrada: 25/20 francs, uffants 10 francs.
Per ulteriuras infuormaziuns:
www.grottadacultura.ch
www.neolaendler.ch

Ftan: «18 ons culla barcha a vela intuorn il muond»

Dumengia ils 17 favrer, 17:00
Chasa da scoula

L'expediziun *Top to Top* da la famiglia Schwörer ha traversà tuot ils set oceans ed es rampignada sül piz il plü ot da mincha continent. Ella ha collià uschè tuot las zonas climaticas – unicamaing cun forza natürala e musculara! Il referat in lingua tudais-cha, cun fotografias e films, es adattà per creschüts ed uffants. Organisaziun: Biblioteca cumünala da Ftan.

Infuormaziuns e reservaziuns:
Cilgia Florineth, 081 864 10 07
biblioteca.ftan@bluewin.ch
Entrada libra, collecta
www.toptotop.org

Exit? Sairada d'infuormaziun a Scuol

Marcurdi ils 20 favrer, 20:00
Bogn Engiadina, local da cultura
Ponderaziuns pro e contra Exit, cundiunzs/restricziuns per Exit, il punct da vista dals confamiliars, andamaint d'ün accompagnamaint al suicid dad A fin Z. Important: ils A&A nu fan ingüna propaganda per o cunter Exit. Els vöglian infuormar da maniera objectiva e cumpetenta. Cun Martin Krähenbühl, accompagnader al suicid Exit, Serneus. Organisaziun: Amias & Amis da l'Ospidal

d'Engiadina Bassa. Entrada: 5 francs, gratuit per commembers

Sent: Concert *Orchestra Chur & Silberglanz*

Dumengia ils 24 favrer, 17:00
Baselgia San Lurench
L'ensemble Orchestra Chur (directziun: Anita Jehli) suna ouvras da Joseph Martin Kraus e Wolfgang Amadeus Mozart, plünavant sco prüma rapreschantaziun «Feuer, Erde, Luft und Silber» da Mario Giovanoli (*1953). Solists: Flurina Sarott, gja e Lech Antonio Szynski, viola.
Entrada: 30/15 francs, gratuit per uffants e giuvenils suot 16 ons

Sent: Marchà da tschütschaiver

Marcurdi ils 6 marz, 11:00 fin 17:00, Plaz. Chi chi vess plaschair da vender prodots indigens po reservar ün lö da marchà [Marktstand]. Bainviss sun societats e privats, eir expositurs d'utrò.
Infuormaziuns e reservaziuns fin als 20 favrer: Gäste-Info Sent, 081 861 88 29
sent@engadin.com
Contribuziun: 10 francs per ün lö da marchà

Sent:

«Muntognas ed orizzonts» pittura e grafica stampada da Heidy Heiber

Vernissascha: Sonda ils 9 marz, 17:00 fin 19:00, cun apéro
Grotta da cultura, Schigliana
L'exposiziun düra fin als 22 mai ed es averta adüna mardi e sonda da las 17:00 fin las 19:00.
www.grottadacultura.ch

Scuol: La Paluotta

(maisa da mezdi per tuots)
Venderdi ils 15 marz, 12:00 fin 14:00
Pravenda evangelica. Giasts ed indigens da minch'età sun cordialmaing invidats da giodair ün bun menü in ün'atmosfera prüvada.
Cuosts: 5 francs per uffants, 8 francs per giuvenils, 10 francs per creschüts.
Annunzchar p. pl. fin marcurdi ils 13 marz a las 12:00 (telefon 078 842 61 79)

Il Mas-chalch dal cumün da Scuol cumpara üna jada al mais. Ediziuns veglias as poja leger sülla pagina d'internet dal cumün www.scuol.net.

Prosmas ediziun: **14 marz 2019**

Organisatuors d'arrandschamaints pon inoltrar publicaziuns fin il plü tard **lündeschdi ils 4 marz** pro lingua@scuol.net

Reglas

1. No publicchain be arrandschamaints chi'd aintran per e-mail.
2. L'arrandschamaint sto avoir üna tscherta importanza per la generalità (ingünas radunanzas da societats).
3. La redacziun decida s'vess davart la publicaziun e's resalva eir il dret da scurznrir e/o rediger ils texts inoltrats.

Ils cuosts da la publicaziun surpiglia il cumün da Scuol.